



Llywodraeth Cymru
Welsh Government

Pecyn gwybodaeth i ymgeiswyr

Penodi Aelodau Annibynnol i Fwrdd Cyngorau Iechyd Cymuned Cymru 2019

Dyddiad Cau: 04 Gorffennaf 2019



Rheoleiddiwyd gan y
Comisiynydd Penodiadau
Cyhoeddus

Cynghorau lechyd Cymuned

Cynnwys

	Tudalen
Gwneud Cais	3
Atodiad A: Rôl aelodau annibynnol y Bwrdd Cynghorau lechyd Cymuned	5
Atodiad B: Rôl a chyfrifoldebau'r Cynghorau lechyd Cymuned	10
Atodiad C: Y broses ddethol	12
Atodiad D/E: Ardaloedd Cynghorau lechyd Cymuned a'u pwyllgorau lleol	14/15

Cynghorau Iechyd Cymuned

Gwneud cais

Diolch am eich diddordeb yn rôl aelod annibynnol Bwrdd Cynghorau Iechyd Cymuned Cymru.

Mae'r atodiadau sydd ynghlwm yn rhoi manylion am rôl yr aelodau annibynnol a manyleb y person, rôl a chyfrifoldebau Cynghorau Iechyd Cymuned a'r broses ddethol.

I wneud cais ewch i wefan penodiadau cyhoeddus Llywodraeth Cymru yma: <https://cymru-wales.tal.net/vx/lang-cy/mobile-0/appcentre-3/brand-2/xf-b444e8c3b068/candidate/jobboard/vacancy/7/adv/>

I wneud cais am y rôl hon, cliciwch ar swydd wag Cynghorau Iechyd Cymuned ac yna cliciwch y botwm 'Gwneud cais' ar waelod y dudalen ar yr ochr chwith. Y tro cyntaf ichi wneud cais am swydd, bydd angen ichi lenwi ffurflen gofrestru ar gyfer system ceisiadau ar-lein Llywodraeth Cymru. Dim ond unwaith bydd angen ichi gofrestru a thrwy wneud hynny byddwch yn gallu dilyn hynt eich cais, ac unrhyw geisiadau eraill rydych yn eu hanfon trwy eich cyfrif.

Unwaith ichi gofrestru, byddwch yn gallu cael mynediad at y ffurflen gais. I wneud cais, bydd angen i chi lanlwytho datganiad personol i'r adran 'Rhesymau dros ymgeisio' o'r ffurflen gais ar-lein.

Datganiad Personol

Eich datganiad personol yw'ch cyfle i ddangos sut yr ydych yn bodloni'r holl feini prawf a nodir ym manyleb y person. Chi sydd i benderfynu sut i gyflwyno'r wybodaeth. Fodd bynnag, dylech anelu at ddarparu enghreifftiau manwl sy'n dangos sut y mae'ch gwybodaeth a'ch profiadau yn cyd-fynd â phob maen prawf, ac sy'n disgrifio'ch cyfraniad at gyflawni canlyniad penodol. Bydd hefyd o fudd i'r panel dethol os gallwch nodi'n glir pa dystiolaeth benodol sy'n berthnasol i ba faen prawf. Mae'n arfer cyffredin darparu paragraffau ar wahân mewn perthynas â phob maen prawf.

Ni ddylai'r datganiad personol fod yn hwy na dwy dudalen. Gallai eich cais gael ei wrthod os byddwch yn mynd dros y terfyn hwn.

Amserlen Fras

Dyddiad cau:	04 Gorffennaf 2019
Llunio rhestr fer:	10 Gorffennaf 2019
Cyfweliadau:	04 Medi 2019 (Noder: Ni fydd ymgeiswyr yn gallu hawlio costau i ddod i gyfweliadau)

Datganiad Amrywiaeth

Mae Llywodraeth Cymru o'r farn y dylai aelodau byrddau cyrff cyhoeddus adlewyrchu'r gymdeithas yng Nghymru – pobl o bob cefndir – er mwyn eu helpu i ddeall anghenion pobl a gwneud penderfyniadau gwell. Felly, mae Llywodraeth Cymru yn annog amrywiaeth eang o unigolion i wneud cais i fod yn aelodau o gyrff cyhoeddus. Rydym yn croesawu'n arbennig geisiadau gan bob grŵp sydd heb gynrychiolaeth ddigonol gan gynnwys menywod, pobl dan 30 oed, pobl o gefndir du, Asiaidd ac o leiafrifoedd ethnig, pobl anabl a phobl lesbiaidd, hoyw, deurywiol a thrawsryweddol.

Cynllun Gwarantu Cyfweliad – Yn Gadarn o Blaid Pobl Anabl

Mae Llywodraeth Cymru yn gweithredu cynllun Cadarn o Blaid Pobl Anabl ac yn croesawu ceisiadau gan bobl ag anableddau. Mae'r cynllun yn gwarantu cyfweliad i bobl anabl os ydynt yn bodloni'r meini prawf sylfaenol ar gyfer y swydd. Mae'r ffurflen gais hefyd yn gyfle ichi nodi unrhyw anghenion neu offer penodol fydd ei angen arnoch o bosib os cewch eich gwahodd i gyfweliad.

Manylion Cyswllt:

I gael rhagor o wybodaeth am y broses ddethol, cysylltwch â:

Y Tîm Penodiadau Cyhoeddus

E-bost: penodiadaucyhoeddus@llyw.cymru

I gael rhagor o wybodaeth am rôl yr aelod annibynnol, cysylltwch â Phennaeth Profiad y Claf Llywodraeth Cymru: ☎ 03000 253967 neu ✉ Rhian.williams5@llyw.cymru Os oes angen rhagor o gymorth arnoch i wneud cais am y swydd hon, cysylltwch â Thîm Penodiadau Cyhoeddus Llywodraeth Cymru (manylion uchod).

I gael rhagor o wybodaeth am Benodiadau Cyhoeddus yng Nghymru, ewch i www.llyw.cymru/penodiadaucyhoeddus

Penodi aelodau annibynnol i Fwrdd Cynghorau Iechyd Cymuned Cymru

Disgrifiad o'r rôl a manyleb y person

Beth yw rôl yr aelod annibynnol?

Fel y mae'r daflen ffeithiau gan [Sefydliad y Cyfarwyddwyr](#) yn ei ddisgrifio, rôl aelodau annibynnol yw gwneud cyfraniad creadigol i'r Bwrdd drwy roi beirniadaeth wrthrychol. Dylent gynnig barn annibynnol ar faterion megis strategaeth, perfformiad ac adnoddau, gan gynnwys safonau ymddygiad. Byddant yn canolbwyntio ar faterion y Bwrdd, ac nid ar sut y caiff y Cynghorau eu rhedeg o ddydd i ddydd.

Mae Bwrdd Cynghorau Iechyd Cymuned Cymru yn gyfrifol am y canlynol:

- cynghori a helpu Cynghorau Iechyd Cymuned unigol ar eu perfformiad
- cynrychioli safbwyntiau a buddiannau Cynghorau Iechyd Cymuned wrth Weinidogion Cymru
- gosod safonau i'r Cynghorau Iechyd Cymuned, fel y bo'r Bwrdd yn eu gweld yn briodol, mewn materion fel eiriolaeth ynghylch cwynion, craffu ar weithrediad y gwasanaeth iechyd a'r broses o ymgysylltu
- monitro perfformiad Cynghorau Iechyd Cymuned er mwyn sicrhau safonau cyson ar draws pob un
- gweithredu gweithdrefn gwyno
- sicrhau bod Cynghorau Iechyd Cymuned yn cyflawni mewn ffordd gyson, genedlaethol ar draws Cymru, gan ddilyn cynllun a gweithio'n drefnus.

Yn ei ddatganiad deddfwriaethol ar 17 Gorffennaf 2018, cyhoeddodd Prif Weinidog Cymru y byddai deddfwriaeth yn cael ei chyflwyno i ddisodli'r Cynghorau Iechyd Cymuned a'r Bwrdd â chorff Llais y Dinesydd newydd a fydd yn cynrychioli buddiannau dinasyddion ym meysydd iechyd a gwasanaethau cymdeithasol. Bydd y corff newydd yn adeiladu ar y gwaith sydd eisoes wedi'i wneud gan y Cynghorau Iechyd Cymuned, ac yn cryfhau llais y dinesydd yng Nghymru.

Bydd pontio o'r model Cynghorau Iechyd Cymuned presennol i'r corff Llais y Dinesydd newydd yn gyffrous ond yn heriol i Fwrdd y Cynghorau Iechyd Cymuned a'r mudiad ehangach. Un o brif rolau aelodau annibynnol y bwrdd fydd helpu i gefnogi Bwrdd Cynghorau Iechyd Cymuned Cymru a'r mudiad ehangach drwy gydol y cyfnod pontio.

Mae angen Deddf gan y Cynulliad i roi effaith i'r newid hwn. Bydd Bil yn cael ei gyflwyno yn ystod blwyddyn bresennol y Cynulliad er mwyn dechrau ar y broses ofynnol.

Cynghorau Iechyd Cymuned

Bydd disgwyl i'r aelod annibynnol wneud y canlynol:

- chwarae rhan lawn a gweithredol yn nhrefn lywodraethu'r Bwrdd, a chynnig barn annibynnol ar faterion megis perfformiad, cynllunio ar gyfer y dyfodol ac atebolrwydd
- cyfrannu at waith y Bwrdd ar sail eu hannibyniaeth, eu profiad blaenorol a'u gwybodaeth, a'u gallu i sefyll nôl oddi wrth reolaeth weithredol o ddydd i ddydd
- cyfrannu at wneud penderfyniadau corfforaethol a'u derbyn, er mwyn sicrhau bod gan y Bwrdd broses gydgysylltiedig, cadarn a thryloyw o wneud penderfyniadau
- deall, maes o law, waith y Cynghorau Iechyd Cymuned er mwyn sicrhau bod y Bwrdd yn perfformio'n effeithiol
- gweithio'n agos gyda sefydliadau cyhoeddus a gwirfoddol eraill a gwneud yn siŵr bod safbwyntiau cleifion, gofalwyr a theuluoedd yn cael eu hystyried yn llawn wrth helpu i lunio, datblygu a gwella gwasanaethau
- bod ar gael i baratoi ar gyfer cyfarfodydd, a'u mynychu
- cydymffurfio â Chod Ymddygiad ar gyfer aelodau Cynghorau Iechyd Cymuned. Mae'r Cod yn cynnwys materion megis gwerthoedd Cynghorau Iechyd Cymuned, ymddygiad personol, cyfrinachedd a chyfleoedd cyfartal. Mae'n gymwys i Aelodau Annibynnol y Bwrdd Cynghorau Iechyd Cymuned. Mae dolen gyswllt isod:

<http://www.wales.nhs.uk/sitesplus/documents/899/2019%20Code%20of%20Conduct%20Procedure%20welsh.pdf>

Manyleb y Person

Bydd yr aelod annibynnol yn arddangos y rhinweddau canlynol:

Gwybodaeth a Phrofiad (Hanfodol)

Y gallu i wneud y canlynol:

- rhoi beirniadaeth wrthrychol i'r Bwrdd gan gadw barn annibynnol ar faterion megis perfformiad, cynllunio ar gyfer y dyfodol ac atebolrwydd
- cymhathu, asesu a dadansoddi gwybodaeth gymhleth a chyfrannu at wneud penderfyniadau cadarn
- gweithio gyda Phrif Weithredwr y Cynghorau Iechyd Cymuned, Cadeirydd ac aelodau eraill y bwrdd i sicrhau bod y Bwrdd yn arwain y Cynghorau Iechyd Cymuned yn effeithiol. Lle y bod angen, byddwch yn dangos sgiliau a fydd yn eich galluogi chi i ddal y Prif Weithredwyr i gyfrif am berfformiad gan gynnal perthynas adeiladol

Cynghorau Iechyd Cymuned

- cyfrannu at drefn lywodraethu'r Bwrdd, sicrhau ei fod yn agored ac yn onest yn ei waith drwy gyfrannu'n llawn at y broses o wneud penderfyniadau.

Priodoleddau a Sgiliau Personol

- arweinyddiaeth a hunan-ymwybyddiaeth, y gallu i ennyn parch a sylw
- gonestrwydd, safonau moesegol uchel, barn gadarn a pharodrwydd i herio
- y gallu i ddangos dull gweithredu sy'n canolbwyntio ar ddinasyddion, hyrwyddo'r Bwrdd, drwy weithio'n agos gyda sefydliadau cyhoeddus a gwirfoddol eraill
- y gallu i sicrhau bod safbwyntiau cleifion, gofalwyr a theuluoedd yn chwarae rhan lawn wrth helpu i lunio, datblygu a gwella gwasanaethau
- sgiliau rhyng-bersonol, gwranddo a chyfathrebu da a'r gallu i ymgysylltu ag aelodau'r cyhoedd a chyflogeion o fewn y Bwrdd
- y sgiliau a'r gallu i weithio fel rhan o dîm ac mewn partneriaeth â sefydliadau allweddol eraill
- dealltwriaeth o sut mae gwrthdaro yn digwydd a sut i ymdrin ag achosion o'r fath yn effeithiol ac mewn modd sensitif
- y gallu i nodi problemau posibl ac ymdrin â risg
- parodrwydd i groesawu newid ac arloesi ac awydd i ennill sgiliau a gwybodaeth newydd

Rhaid i ymgeiswyr hefyd ddangos dealltwriaeth glir ac ymrwymiad i'r canlynol:

- materion yn ymwneud â chydaddoldeb a herio arferion sy'n gwahaniaethu;
- 'Saith Egwyddor Bywyd Cyhoeddus' Nolan. Mae dolen gyswllt isod:

<https://www.gov.uk/government/publications/the-7-principles-of-public-life>

Y Gymraeg

Mae'r gallu i gyfathrebu drwy gyfrwng y Gymraeg yn ddymunol ond nid yn hanfodol. Fodd bynnag, mae disgwyl i bob ymgeisydd ddangos eu bod yn deall natur ddwyieithog Cymru ac egwyddorion Strategaeth Llywodraeth Cymru ar gyfer Iechyd a Gwasanaethau Cymdeithasol, *Mwy na Geiriau*. Mae hyn yn cynnwys, yn benodol:

- pwysigrwydd darparu gwasanaethau dwyieithog rhagorol yn y sector iechyd

Cynghorau Iechyd Cymuned

- peidio â thrin y Gymraeg yn llai ffafriol na'r Saesneg
- hyrwyddo cyfleoedd i ddefnyddio'r Gymraeg drwy egwyddor y cynnig rhagweithiol.

Ffeithiau allweddol am y swydd

Lleoliad

Mae Bwrdd Cynghorau Iechyd Cymuned Cymru wedi'i leoli yng Nghaerdydd. Mae saith cyngor Iechyd Cymuned Lleol yng Nghymru. Mae Bwrdd Cynghorau Iechyd Cymuned Cymru yn goruchwyllo Cynghorau Iechyd Cymuned Lleol.

Ymrwymiad Amser

Mae swydd aelod annibynnol yn seiliedig ar ymrwymiad tybiannol o hyd at 4 diwrnod y mis ond gall hyn fod yn amodol ar ofynion y sefydliad.

Hyd y penodiad

Bydd y penodiad am gyfnod 4 blynedd ar y mwyaf.

Tâl

Nid oes tâl ynghlwm â swydd yr aelodau annibynnol, ond ar ôl eich penodi, gallwch hawlio treuliau ar gyfer teithio a chostau rhesymol eraill yn unol â pholisïau'r Bwrdd Cynghorau Iechyd Cymuned.

Pwy sy'n gymwys i wneud cais?

Mae rhai pobl nad ydynt yn gymwys i fod yn aelod o'r Bwrdd Cynghorau Iechyd Cymuned Cymru. Maent yn cynnwys:

- Pobl sydd wedi eu cael yn euog o drosedd yn ystod y 5 mlynedd diwethaf ac sydd wedi treulio cyfnod o 3 mis neu fwy yn y carchar (yn ddedfryd ohiriedig ai peidio)
- Methdalwyr heb eu rhyddhau
- Pobl sydd wedi'u diswyddo o waith cyflogedig gyda'r gwasanaeth Iechyd (ar wahân i ddileu swydd) neu sydd wedi'u diswyddo o benodiad cyhoeddus yn y gwasanaeth Iechyd
- Cadeiryddion, aelodau, cyfarwyddwyr neu weithwyr cyflogedig y gwasanaeth Iechyd.
- Personau sy'n darparu gwasanaethau fel Ymarferwyr Meddygol Cyffredinol, Ymarferwyr Deintyddol Cyffredinol, Fferyllwyr Cofrestredig, Optometryddion Cofrestredig neu Optegwyr Cyflenwi Cofrestredig, Bydwagedd neu Nyrsys Cofrestredig.

Cynghorau Iechyd Cymuned

- Pobl sy'n ymgeisio i fod yn Aelod neu sydd eisoes yn Aelod o Gynulliad Cenedlaethol Cymru, Tŷ'r Cyffredin a/neu Senedd Ewrop.
- Ni fyddai modd i aelod presennol o Gyngor Iechyd Cymuned barhau yn y rôl pe bai'n cael ei benodi yn aelod annibynnol y Bwrdd Cynghorau Iechyd Cymuned.
- Dylai'r ymgeiswyr fod yn bobl sy'n ymddwyn mewn modd a fydd yn ennyn hyder y cyhoedd ar bob adeg. Gofynnir yn benodol i ymgeiswyr ddatgan a ydynt yn ymwybodol o unrhyw beth yn eu bywyd preifat neu broffesiynol a fyddai'n peri embaras iddynt hwy eu hunain neu i Lywodraeth Cymru pe deuai i'r amlwg a hwythau wedi'u penodi i'r swydd.
- Bydd yr ymgeiswyr llwyddiannus yn destun archwiliad y Gwasanaeth Datgelu a Gwahardd (sef archwiliad Swyddfa Cofnodion Troseddol gynt) ar ôl eu penodi. Ceir rhagor o wybodaeth am wiriadau'r Gwasanaeth Datgelu a Gwahardd [yma](#). Ni fyddwn yn cadarnhau penodiadau hyd nes y bodlonir y gwiriadau/gofynion hynny.

Gwrthdaro buddiannau

Bydd gofyn ichi ddatgan unrhyw fuddiannau preifat a allai fod, neu y gellid dehongli eu bod, yn gwrthdaro â'ch rôl a'ch cyfrifoldebau fel Cadeirydd Bwrdd Cynghorau Iechyd Cymuned Cymru, gan gynnwys buddiannau busnes neu swyddi o awdurdod y tu allan i'ch rôl o fewn Cyngor Iechyd Cymuned.

Bydd unrhyw wrthdaro buddiannau yn cael ei drafod yn y cyfweiliad. Os byddwch yn cael eich penodi, bydd disgwyl ichi hefyd ddatgan y buddiannau hyn ar gofrestr sydd ar gael i'r cyhoedd.

Safonau mewn bywyd cyhoeddus

Bydd disgwyl ichi ddangos safonau uchel o ran ymddygiad corfforaethol a phersonol. Gofynnir i bob ymgeisydd llwyddiannus gadw at y Cod Ymddygiad ar gyfer Aelodau Bwrdd Cyrrff Cyhoeddus. I weld y ddogfen hon, ewch i:

<http://www.bl.uk/aboutus/governance/blboard/Board%20Code%20of%20Practice%202011.pdf>

Rôl a chyfrifoldebau'r Cyngor Iechyd Cymuned

Cefndir

Mae Cynghorau Iechyd Cymuned yn gyfrifol am gynrychioli buddiannau cleifion a'r cyhoedd yn annibynnol a diduedd er mwyn dylanwadu ar y ffordd y caiff gwasanaethau iechyd cenedlaethol eu cynllunio a'u darparu yng Nghymru, a gwella hyn. Gwirfoddolwyr lleol yw aelodau'r Cynghorau, sy'n gweithredu fel llygaid a chlustiau cleifion a'r cyhoedd, gwranddo ar farn pobl am y gwasanaeth iechyd, cynorthwyo pobl sy'n dymuno gwneud cwyn am y gwasanaeth iechyd a gweithio gyda'r gwasanaeth iechyd i wella ansawdd gofal i gleifion.

Cynghorau Iechyd Cymuned - strwythur sefydliadol

Mae saith Cyngor o'r fath yng Nghymru, pob un yn gyfrifol am ardal ddaearyddol benodol. Mae'r ardaloedd daearyddol hyn yn cyd-fynd â'r saith Bwrdd Iechyd Lleol sy'n gyfrifol am lunio a darparu gwasanaethau'r GIG yn yr ardal honno (gweler atodiadau D ac E).

Caiff pob Cyngor ei gefnogi gan dîm bach o staff cyflogedig, yn ogystal ag aelodau awdurdod lleol, y trydydd sector a gwirfoddolwyr. Mae Bwrdd Cynghorau Iechyd Cymuned Cymru yn goruchwyllo'r saith Cyngor.

Gyda'r Cynghorau'n cynrychioli lleisiau cleifion yn eu hardal leol, mae'r Bwrdd yn cynrychioli llais y cleifion a'r cyhoedd ar lefel genedlaethol. Y Bwrdd sy'n gosod y safonau cenedlaethol y mae'n rhaid i'r Cynghorau eu cyrraedd, ac mae'n rhaid iddo ddarparu cyngor, canllawiau a chymorth. Mae hefyd yn gyfrifol am fonitro a rheoli eu perfformiad.

Mae Cynghorau Iechyd Cymuned Cymru:

- yn gwranddo'n barhaus ar yr hyn sydd gan unigolion a'r gymuned i'w ddweud am eu GIG
- yn llais i'r cyhoedd drwy hysbysu arweinwyr a rheolwyr y GIG am yr hyn y mae pobl ei eisiau a sut gellir gwella pethau
- yn meithrin perthynas dda â gwasanaethau lleol y GIG
- yn ymgynghori'n uniongyrchol â'r cyhoedd ynghylch materion penodol; a throsglwyddo barn y cyhoedd i'r GIG a Llywodraeth Cymru
- yn rhoi help, cyngor a chymorth i bobl sydd am leisio pryder ynghylch gwasanaethau'r GIG.

Cynghorau Iechyd Cymuned

Beth mae aelodau'r Cynghorau Iechyd Cymuned yn ei wneud?

Mae rhai o weithgareddau'r Cynghorau, megis cefnogi unigolion i leisio pryder, yn cael eu gwneud gan staff y Cynghorau. Rôl aelodau'r Cynghorau yw cynnig safbwynt y cyhoedd. Gall aelodau ymwneud â'r gweithgareddau canlynol:

- ymweld â gwasanaethau iechyd lleol a chraffu arnynt, gan gynnwys:
 - ymweld â meddygfeydd, clinigau ac ysbytai a gwranddo ar farn a phrofiadau cleifion, gofalmwr a staff
 - bod yn rhan o bwyllgorau a gweithgoreu sydd wedi'u sefydlu i fonitro ac adolygu perfformiad y GIG
 - darllen a rhoi sylwadau ar amrywiaeth eang o ddogfennau'r GIG.
- ymgysylltu'n barhaus â'r cymunedau maent yn eu cynrychioli a'r rheini sy'n darparu'r gwasanaethau iechyd yn y cymunedau hynny.
- cynrychioli buddion cleifion a'r cyhoedd o ran cynllunio a chytuno ar newidiadau i wasanaethau'r GIG.

Y broses ddethol

Bydd y panel cyfweld yn asesu datganiadau personol yr ymgeiswyr i benderfynu pwy sy'n bodloni'r meini prawf ar gyfer y rôl, a phwy fydd yn cael gwahoddiad i gael cyfweliad. Bydd y panel yn dibynnu ar yr wybodaeth y byddwch yn ei darparu yn eich datganiad personol i asesu a oes gennych y sgiliau a'r profiad angenrheidiol. Sicrhewch eich bod yn darparu tystiolaeth i ddangos sut rydych yn bodloni pob un o'r meini prawf hanfodol.

Bydd y panel dethol dan gadeiryddiaeth uwch swyddog Llywodraeth Cymru. Bydd dau aelod arall y panel yn cynnwys cynrychiolydd Bwrdd Cynghorau Iechyd Cymuned Cymru ac aelod annibynnol arall.

Gan ddibynnu ar nifer y ceisiadau a ddaw i law, efallai y bydd eich cais yn cael ei roi ar restr hir cyn cael ei roi i'r panel sy'n llunio rhestr fer i'w ystyried. Dylech fod yn ymwybodol efallai na fydd eich cais yn cael ei ystyried yn llawn gan y panel cyfan mewn sefyllfa fel hon.

Rydym yn rhagweld y bydd y panel wedi penderfynu yr wythnos yn dechrau 08 Gorffennaf 2019 pwy fydd yn cael eu gwahodd i gyfweliad yn ystod yr wythnos yn dechrau 02 Medi 2019.

Dim ond yr ymgeiswyr cryfaf y mae'r panel yn credu sydd wedi dangos eu bod yn bodloni'r meini prawf a nodwyd yn adran manyleb y person orau fydd yn cael eu gwahodd i gyfweliad. Fodd bynnag, os ydych wedi ymgeisio o dan y cynllun gwarantu cyfweliad, a'ch bod yn bodloni'r meini prawf hanfodol ar gyfer y swydd, cewch chithau hefyd eich gwahodd i gyfweliad.

Os cewch eich gwahodd i gyfweliad ac nad yw'r dyddiad eisoes wedi'i nodi yn y pecyn gwybodaeth hwn, ein nod yw rhoi cymaint o rybudd â phosibl ichi o ddyddiad y cyfweliad. Os na allwch fod yn bresennol ar y dyddiad hwnnw, fe wnawn ymdrechu i aildrefnu ond efallai na fydd hyn yn bosibl oherwydd cyfyngiadau amser o fewn yr amserlen benodi neu argaeledd y panel dethol.

Fe gewch e-bost gan y system benodi i roi gwybod ichi a ydych wedi eich gwahodd i gyfweliad ai peidio. Ein bwriad yw cynnal cyfweiliadau yng Nghaerdydd .

Os cewch eich gwahodd i gyfweliad, bydd y panel yn eich holi ynghylch eich sgiliau a'ch profiad ac yn gofyn cwestiynau penodol i asesu a ydych yn bodloni'r meini prawf a osodwyd ar gyfer y swydd ai peidio.

Bydd yr ymgeiswyr y bydd y panel yn credu sy'n addas i'w penodi yn cael eu hargymell i'r Gweinidogion, a fydd yn gwneud y penderfyniad terfynol. Caiff y Gweinidog ddewis cyfarfod â'r ymgeiswyr hyn cyn gwneud penderfyniad. Os felly, bydd yn cyfarfod â'r holl ymgeiswyr ym mhresenoldeb cadeirydd y panel neu ei gynrychiolydd enwebedig. Bydd bwlch amser rhwng y cyfweliad a'r penderfyniad

Cynghorau Iechyd Cymuned

penodi terfynol. Bydd yr ymgeiswyr a gafodd eu cyfweld yn cael yr wybodaeth ddiweddaraf.

Os byddwch yn llwyddiannus, cewch llythyr yn eich penodi'n aelod annibynnol Bwrdd Cynghorau Iechyd Cymuned Cymru, a fydd yn cadarnhau telerau'r penodiad.

Os na fyddwch yn llwyddiannus yn dilyn eich cyfweliad, bydd Llywodraeth Cymru yn rhoi gwybod ichi. Rydym yn gwerthfawrogi bod angen llawer o amser ac ymdrech er mwyn ymgeisio am rolau, ac felly mae rhoi adborth yn rhan werthfawr o'r broses. O ganlyniad, bydd y llythyr yn cynnwys manylion yr unigolyn y gallwch gysylltu ag ef i gael adborth ar eich cyfweliad a'ch cais, os dymunwch wneud hynny.

Ymholiadau

Oes gennych gwestiynau am eich cais, cysylltwch â'r Tîm Penodiadau Cyhoeddus e-bost at: penodiadaucyhoeddus@llyw.cymru

Os nad ydych yn hollol fodlon

Nod Llywodraeth Cymru yw prosesu'r holl geisiadau mor gyflym â phosibl a thrin pob ymgeisydd yn gwrtais. Os oes gennych unrhyw gwynion am y ffordd y deliwyd â'ch cais, cysylltwch â Desg Gymorth y Ganolfan Cydwasanaethau Corfforaethol ar 03000 255454 neu anfonwch e-bost at: penodiadaucyhoeddus@llyw.cymru

Ardaloedd daearyddol Cynghorau lechyd Cymuned Cymru

Mae saith Cyngor o'r fath yng Nghymru, pob un yn gyfrifol am ardal ddaearyddol benodol. Mae'r ardaloedd daearyddol hyn yn cyd-fynd â'r saith Bwrdd lechyd Lleol sy'n gyfrifol am lunio a darparu gwasanaethau'r GIG yn yr ardal honno (gweler isod).



Cyngorau lechyd Cymuned

Atodiad E

Cyngorau lechyd Cymuned a'u pwyllgorau lleol

Enw'r Cyngor lechyd Cymuned		Pwyllgorau Lleol yn y Cyngor lechyd Cymuned
1	Cyngor lechyd Cymuned Aneurin Bevan	i. Blaenau Gwent ii. Caerffili iii. Casnewydd iv. Trefynwy v. Torfaen
2	Cyngor lechyd Cymuned Betsi Cadwaladr (Cyngor lechyd Cymuned Gogledd Cymru fel y caiff ei adnabod yn lleol)	i. Ynys Môn ii. Sir Ddinbych iii. Conwy iv. Sir y Fflint v. Gwynedd vi. Wrecsam
3	Cyngor lechyd Cymuned Caerdydd a Bro Morgannwg	i. Caerdydd ii. Bro Morgannwg
4	Cyngor lechyd Cymuned Cwm Taf Morgannwg	i. Pen-y-bont ar Ogwr ii. Merthyr iii. Rhondda Cynon Taf
5	Cyngor lechyd Cymuned Hywel Dda	i. Sir Gaerfyrddin ii. Ceredigion iii. Sir Benfro
6	Cyngor lechyd Cymuned Powys	ardal Sir Faesyfed a Brycheiniog a Sir Drefaldwyn sy'n rhan o Brif Ardal Llywodraeth Leol Powys, gan gynnwys cymunedau Llanrhaeadr-ym-mochnant, Llansilin a Llangedwyn
7	Cyngor lechyd Cymuned Bae Abertawe	i. Castell-nedd Port Talbot ii. Abertawe